



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 4. Conventus Parisiensis.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

Sæculum IX. A. C. 825. ris quidem Episcoporum auctoritatem & honorem augebat; at fieri non poterat, quin ea cura ipsos a Regimine proprii gregis, quod præcipuum Episcoporum Officium est, abstraherentur.

§. IV.

Conventus Parisiensis.

Sup. Lib.
XLIV. §. 31

Conventus Parisiensis mense Novembri, ut Imperator jusserat, celebratus est, & omnes Episcopi vocati, excepto Modovino Augustodunensi, quem morbus domi detinuit, adfuere. Lecta est Epistola Hadriani Papæ ad Constantinum & Matrem ejus Irenem data, dixeruntque Episcopi Franciæ, Papam recte quidem illos reprehendere, qui Imagines comminuerent, sed etiam imprudenter præcepisse, ut superstitione adorarentur. Concilium quoque in hac

Sup. Lib.
XLIII. §. 7.

causa celebratum, id est Nicenum secundum, damnarunt, & multo magis Concilium Iconoclastarum a Constantino Copronymo coactum.

Sup. Lib.
XLIV. §. 46.
§ 58.

Caroli Magni in Concilium Nicenum Libris Carolinis insertam approbarunt, quam Responsis Hadriani Papæ satis refelli non putabant. Jusserunt deinde recitari Michaelis Imperatoris Epistolam, & ex ore Treculfi & Adegarii, quæ Romæ egissent, audierunt. Tandem prælegi præceperunt Textus Scripturæ & Patrum,

Patrum, quos per angustiam temporis colligere licuerat, eosque miserunt ad Imperatorem Ludovicum per manus Halitgarii Episcopi Cameracensis, & Amalarii etiam Episcopi, qui Imperatorem Aquisgrani sexta Decembris anno octingentesimo vigesimo quinto conveniunt.

Hi itaque attulerunt Conventus Parisiensis Epistolam, omnia, quæ acta erant continentem, & Episcoporum consilium, ut nempe Ludovicus Imperator Papæ & Imperatori Constantinopolitano scriberet. *Non ignoramus, ajunt, quanto dolore conspicerere cogavis, illos, qui suprema Auctoritate pollent, a via recta deflectere, cum ipsorum esset errantes ad eam reducere.* Et post alia: *Quia vero Salus fratrum nostrorum a nobis parvi pendenda non est, nec Summa Potestas temere argui debet, visum est tibi suadere, ut sermonem ad illos dirigas, qui te ad hanc quæstionem agitandam excitarunt (nempe ad Græcos) sic omnia, quæ reprehensibilia videntur, magis in illos cadent, quos liberius liceat arguere, & quorum scandalum facilius tolerari possit. Sic etiam, si compatiendo ad Græcorum infirmitatem te paulo demiseris, Romanos laudaveris, eorumque potestatem extuleris, & nihilominus veritatem ex Scriptura & Patribus leniter ostenderis,*
speran-

Sæculum IX.
 A. C. 825.

p. 109.

p. 110.

Sæculum IX. *sperandum est, fore, ut Partis utriusque
A. C. 825. saluti consulas.*

Post hanc Epistolam legebantur Patrum Testimonia in quindecim Titulos digesta, quorum primus pugnat contra illos, qui Imagines volebant abolitas. Secundus Titulus ex Auctoritate S. Gregorii Papæ probat, Imagines legitime servari posse. In duodecim Articulis sequentibus illi refutantur, qui eas adorant, aut nimio cultu honorant; ibique accurate vox, adoratio, explicatur. Putant hi Patres, se discrimen inter Crucem & Imagines demonstrare, & ubique secundum Concilium Nicenum impugnant. Istam Collectionem sequuntur exemplaria duarum Epistolarum, nempe unius ab Imperatore Ludovico ad Papam mittendæ, & alterius a Papa ad Michaellem Imperatorem.

**Conventus
Parisiensis
contra Imagines.**

p. 112. *p. 113.* *p. 119.*
c. 8.9.12. *p. 121.*
c. 13.14. *p. 131.*

In Epistola ad Papam Ludovicus Imperator eum exhortabatur, ut sua Auctoritate uteretur ad reddendam Orienti pacem, & reducendum Imaginum usum ad illud inter contemptum & superstitionem medium, quod Franci necessarium existimabant. Quærebat, an non e resset, si ambo communi nomine Legationem ad Orientales dirigerent. Rogabat, ne suspicaretur Papa, exemplat Epistolæ ea mente sibi missum fuisse, ut doceretur, sed ut Imperator, quid sentiret,

ret, candide aperiret. Declarat, se Sy-
 nodum non ideo convocasse, ut aliquid
 definiretur, sed ut quæstio, sicut Papa
 permisisset, examini subiceretur. Ex-
 emplar Epistolæ a Papa ad Michaellem
 Imperatorem dividitur in tres Articulos.
 Primo afferuntur argumenta ex ratione,
 deinde ex Auctoritate, quibus tertio ad-
 datur consilium. Auctor Sacræ Sedis
 potestatem summe extollit, ostenditque,
 Romanam illam esse Sedem, ad quam
 Fideles omni tempore non solum ad de-
 finiendas Fidei Quæstiones, sed etiam
 ad omnes contentiones in Ecclesia diri-
 mendas confugissent. (*) Affirmat, in
 Ecclesia Gallicana a primis temporibus
 S. Dionysii (quem a S. Clemente Papa
 missum credit) S. Hilarii & S. Martini il-
 lud semper fuisse observatum, ut nemo
 habere imagines compelleretur, idem-
 que prohibitum esset nemini, nec un-
 quam hac de re ortam fuisse disceptatio-
 nem. Hujus libertatis causam red-
 dit; quod, licet in orbe terrarum nulla
 conspiceretur imago, ideo tamen Fides,
 Spes & Charitas nullum paterentur di-
 spendium. Ceterum neque imagines
 his tribus virtutibus nocere, si modo
 nullus Religionis cultus eis exhiberetur.

Affert

(*) Inde videmus, quod Franci non credi-
 derint, hanc quæstionem ad Fidem pertinere.

Sæculum IX.
 A. C. 825.

p. 132.

107. 7. 03
 8101. 8

107. 7. 03
 8101. 8

Sæculum IX. Affert deinde S. Gregorii Auctoritatem
 A. C. 825. & in Epilogo Michaellem Imperatorem
 hortatur, ut in Ecclesias sibi subiectas
 pacem reveheret.

§. V.

*Jeremias & Jonas Romam mit-
 tuntur.*

to. 7. Conc.
 p. 1648.

Cum Halitgarius & Amalarius hos il-
 bellos ad Ludovicum Imperatorem
 detulissent, isque sibi recitatos appro-
 basset, misit eos ad Eugenium Papam o-
 pera usus Jeremiæ Archiepiscopi Seno-
 nensis & Jonæ Episcopi Aurelianensis,
 adjuncta alia Epistola, in qua rogat Pa-
 pam, ut cum ipsis utpote Præfulibus Sa-
 crarum litterarum Doctrina & arte dis-
 ferendi instructissimis de Legatione in
 Græciam adornanda conferret. Non
 eo animo, inquit, *Episcopos hos misimus
 ad te cum collectione Textuum, ut quos
 ignorantem doceremus, sed ut, pro officio
 nostri ratione in arduo negotio te adju-
 vemus.* Hortatur deinde Pontificem,
 ut causam istam pertractet ea modera-
 tione, quam tam Græci quam Romani
 laudare cogentur. Præter hanc Epi-
 stolam duo Episcopi Jeremias & Jonas
 mandata acceperant hujusmodi; *Sed &
 vos ipsi tam patienter & modeste † cum
 eo de hac Causa Disputationem habeatis,
 ut summopere caveatis, ne nimis ei resi-
 stendo*

ibid. p. 1649.

† sunt ipsa
 ex Actis ver-
 ba.